

徐 蜀 / 編

國家圖書館藏
古籍藝術類編

北京圖書館出版社


徐蜀／編

國家圖書館藏

古籍藝術類編

38

北京圖書館出版社



吳昌綬輯 民國刻本

十六家墨說 (二)

第三十八冊目錄

文房用具・墨

十六家墨說(一二) 吳昌綬輯

文房用具・硯

端溪硯譜 佚名撰

端溪硯石考 清・高兆撰

端石擬 清・陳齡撰

說硯 清・朱彝尊撰

水坑石記 清・錢朝鼎撰

端溪硯志 清・吳繩年撰

端溪硯坑記(附端硯銘) 清・李兆洛撰

一二三
二五七
二七三
三四九
三五七
三六三
五二九

百十二家墨錄

余之藏墨也始於乙酉三月友人汪少白得稻廬月船鎬范莪亭永祺潘秋庠庭筠喜爲之欣助蒐羅漸廣數月以後吳越同志致書浙河東者無不以諭麋侑簡至臘盡遂得二百餘笏去其姓氏重複體質破敗者得百十二家於三樹堂西偏小閣莪亭分書顏之曰百十二家墨齋董小鈍秉純爲之記今春匣而携之入都會成成都宋涵碧浴過城東寓齋索觀摩挲久之曰君此舉甚韻正不可不紀之以備藝林掌故也遂於鐙下取墨之匡廓大

小書畫款識與夫流傳授受之次排比書之稿脫而漏四下矣乾隆丙戌五月廿二日東河邱學劬記

邵格之墨面書御墨下書邵格之監製畫雙龍繞之格之名正己休寧人工詩有元石山房草明世廟時與方正羅小華皆以製墨名梨洲先生思舊錄載朱武康荃宰在留都爲鬪墨之戲以方邵羅三家爲名品宋牧仲得格之墨半珪便入漫堂墨品今此笏完好無恙同年汪少白家藏二百餘年矣珍如拱璧出示之曰君著錄中不可無壓卷也遂

贈余

羅小華墨面御書墨下畫蟠龍背書宣德式下書小
華道人墨有小華小印孫行一金自吳門投書寄
至都下徐楸吾曰易水東徙墨派遂歸於歛我明
則首羅氏人爭寶之幾與黃金同價迺建元之墨
一出便欲舍李超羅余舊藏羅氏墨試與建元甲
乙不當中駟致足寶也

蘇文元墨面畫紗帽煎茶像背書盧仝走筆謝孟諫
議寄新茶詩下書眉山文元製外弟錢鳳翥翼成
贈

玉禾堂墨面書寄亭背書玉禾堂下古篆二字小印
不可識汪少白贈

汪春元墨面畫十麋背書隄麋墨三大字下書汪春
元製爲黃蒙園副憲舊物始歸余仲年光裘再歸
范莪亭三歸廬月船月船寶之三載卒歸於余十
年之內五易其主矣余將護持之爲副憲功臣也
妙品墨面圖天保丸如背書天保詩第三第六章不
著姓氏朱柳堂五岳軒中物也乙酉臘月余北上
范莪亭持董文敏手簡并此笏贈行

程海墨面畫象一背書太平有象旁書程海製姚薛

東天成贈

黃昌伯墨面篆黃河若帶泰山若礪國以永寧爰及
苗裔背書功臣封爵銘五字下書黃昌伯製李海
若昌泉贈

丁南羽墨面書龍章九錫下有雲鵬小印綬德李少
山繼嶠贈明詩綜詩話南羽工畫其寫神王羅漢
骨氣奇偉不減大小尉遲

程孟陽墨面書松圓閣旁書孟陽二字石門蔡民部
履元贈孟陽者松圓詩老程嘉燧也休寧布衣僑
居嘉定有松圓浪淘集

龍鯉墨面書覆雲居下有淳夫氏小印妹聳屠蘭江
贈

翰墨林墨背分書豎而黝何所似記事珠產赤水下
書穎菴維楨有胡維楨字周生小印二伯父舊藏
物

龍香御墨背書萬厯癸未年造無墨工姓氏蘇八丈
墨卿贈丈向嗜藏墨故自署墨卿洎見余所藏名
品既多曰請更以精華歸君因出贈程君房玄元
靈氣方于魯畫一墨宋漫堂淶波村題詩墨合此
而四余報以宋搨顏平原祭姪藁帖爲停雲館中

物卷尾有文蘭跋記顛末甚悉武林潘秋厓得之
吳山肆上甲申長至月與秋厓定交爲畫梅長幅
并此本贈余余每携之行篋時出臨撫而卒爲松
滋侯所奪豈余之愛石刻猶未甚于嗜墨耶

寶笏齋墨面畫掃象圖背書于若瀛贊有象耶無象
耶而掃爲最上耶象有耶象無耶而必掃以除耶
有象無象之先掃與不掃之間其半之又半耶屠

蘭江贈

程君房玄元靈氣墨背書混沌旣開資爾玄德不皦
不昧爲天下式程大約銘項書乙巳二字下有程

幼博小印蘇八丈墨卿贈君房玄元靈氣以九螭
四兩一餅者爲上釘頭塊者次之張長人雪堂墨
品載君房墨最玄元靈氣而有時寥天一反踞其
上蓋所值工料偶勝耳梨洲先生思舊錄倪鴻寶
先生頗事園亭以方程墨調硃砂塗墍牆壁門窗
門生魯元寵爲徽州推官多藏墨先生索之間數
日又索元寵曰先生染翰雖多亦不應如是之速
旣而知之以爲吾所奉先生者皆名品不亦可惜
乎

方于魯墨面書方于魯畫一墨背書寥天一下有建

字小印蘇入丈墨卿贈于魯初名大漱以字行改
字建元歛布衣有佳日樓詩集明詩綜詩話古人
製墨率用松煙漢取諸扶風晉取諸廬山唐則易
州上黨自李超徙歛張谷徙黟皆世其業其後耿
仁遂高慶和戴彥衡吳滋胡智率多歛人明則羅
文龍小華邵正已格之程大約君房咸以製墨稱
而于魯所製甚夥上自符璽圭璧下至雜佩凡三
百八十五式刊成圖譜會上呈乙覽所造雲箋非
止成都十樣嘗以百花香露和墨自作長歌汪伯
玉曾招之入豐干社莫廷韓方氏墨品止于非煙

卷二
奇于九玄三極蓋人巧盡物理窮過此則爲妖吾
不敢信自是可以超潘駕李哀然代興

潘方凱墨面圖淩煙閣背書淩煙閣三字下有潘方
凱印頂書寥天一旁書庚戌如韋軒製雪堂墨品
載潘方凱開天容墨旁書萬歷庚戌蓋與此墨同
製者陳怡庭太史兼山堂中物其文孫廷振熙剛
贈

龍賓神劑墨面書門人畢竟可鑒奉靜庵先生旁書
萬歷二年范星埜贈

蘭雪堂墨背書王氏賜金園汪少白贈

吳去塵墨面篆書虛建提旁書去塵監製汪少白贈
去塵名拭往余於屠氏霞爽閣見其與田叔太守
札子翰絕工雪堂墨品云去塵在天崇時始爲博
古新樣品目至六十餘種炫耀光景較之君房土
羹而象筋大抵效法世廟時邵格之所爲者

李禹園墨面書禹園藏墨背書砌街李氏監製萬近
逢福贈

汪崑源墨面書紫茸香下書子墨子汪崑源監定背
畫熊一盧月船贈

無名氏墨烏程費工部南英贈

龍文雙脊墨背書劍脊龍文初自奚李誰其似之有
天一氏柯亭程功贊妹聳水鏡漪哲人贈龍文雙
脊廷珪舊墨名東林放言居士黃賓王多仿之程
功字又鴻號柯亭休寧人舉孝廉善畫工詩有干
竿草堂集

胡季澤墨面書龍香友背書豹隱龍浮寶光映彩艷
美天球外舅錢簣山先生贈

畫隱墨面書畫隱背書松偃龍蛇竹藏風雨不著姓
氏范丈菊町贈

姚治先墨面分書黃羅山房下書在歛之姚里乃山

人之省齋也背書著述之餘下書羅峰山人姚氏
治先法易水製有德教小印此墨得於郡中毛氏
共七笏存其一餘贈同好之工書者余自蒐訪古
墨惟此笏爲朱提所換

天益山堂墨慈溪馮次牧先生寫經墨顧鑑沙桐贈
程惟亮墨面書千秋光回環書有養人之義男守之
八字背書穀壁旁書丙午程惟亮製范莪亭贈

胡星聚墨面書此中有人背畫人一頂書四美具潘
秋庫贈

吳天章墨面書青琅玕背書此君下書闡然室仿古